

von Wulf Wager

Mei neue Kolumn*in



Ja, Leutl*inna, i hoiß euch herzlich willkomma bei meira Kolumn*nin. Net, dass Sia moinet "jetzt spennt dr Wager". Noi, noi, will bloß politisch korrekt sei. Wenn de bei dem Genderwahnsinn net mitmachsch, kommsch jo glei in da Verruf, rückständig zom sei, ond des ka i mir als Mann*nin Mitte Fuchzig net leischta. Die Greane

hend jo auf ihrem Parteitag em wilda Oschta en Halle an der Saale*nin beschlossa, dass Begriff*nnen, die net mit Mann ond Frau beschrieba werda kennat, mit ma Sternle kennzeichnet werdat. Des Sternle, dr sogenannte Genderstar soll künftig dr Regelfall werda. Do kann i bloß lä-stern!

Wissat Sia, was i glaub? Dia Greana hend am Obend vor dem Beschluss*in mächtig oin hendr d' Bind*in kippt oder hend kiff bis zur Besinnungslosigkeit*in, ond am näggschda Dag hend so bloß no Sternl*ina gseha. Deshalb hend se den Beschluss*in gfasst. Ja, dia Grean*ine send emmer scho a Spaßpartei*in gwää. Wissat Se no, wo die den Vetschiedäy*in eiführa hend wella? War des en Heidaspaß*in!

I dät älle Artikel*inna abschaffa bis auf da sächliche. No wär's oifach. No dät's nämlich hoißa "das Grünenpolitiker". Ond em Schwäbisch*ina dät mr no als Diminutiv*in a "le" nahänga, dann wär's rond: das Grünenpolitikerle! Oder müsst's dann net hoißa "Grünenpolitikerl*in"?

Bis näggschd Woch

Ihr

Wulf Wager

Alle Kolumna zom Nochlesa

onder: www.woascht.de oder em facebook em Wulf Wager Fanclub